



## A N U N C I O

Rematado o prazo de información pública do anuncio publicado no Boletín Oficial da Provincia de 6 de novembro, núm. 213, referente ó acordo adoptado polo Pleno, en sesión ordinaria de data 29 de outubro de 2013, sobre modificacións das seguintes Ordenanzas: ordenanza fiscal reguladora da taxa por subministro de auga; ordenanza fiscal reguladora da taxa por prestación do servizo de saneamento; modificación da taxa de análises de vertidos e inspección de augas.

Rematado tamén o prazo de información pública do anuncio publicado no Boletín Oficial da Provincia de 8 de novembro, núm. 215, referente ó acordo adoptado polo Pleno, en sesión extraordinaria de data 5 de novembro de 2013, sobre modificacións das seguintes Ordenanzas: ordenanza fiscal reguladora da taxa pola prestación do servizo de recollida de residuos sólidos urbanos e ordenanza fiscal reguladora da taxa pola prestación do servizo de tratamento e eliminación de residuos sólidos urbanos.

Non presentándose reclamacións con relación os mencionados expedientes e en cumprimento do disposto no art. 17.4 do Texto Refundido da Lei de Facendas Locais, aprobada por R.D. 2/2004, de 5 de marzo, quedan aprobadas definitivamente e fanse públicas as citadas modificacións:

**ORDENANZA FISCAL REGULADORA DA TAXA POLA PRESTACIÓN  
DO SERVIZO DE SANEAMENTO**

*ARTIGO 1º.—FUNDAMENTO E NATUREZA*

En uso das facultades concedidas por os artigos 133.2 e 142 da Constitución e por o artigo 106 da Lei 7/1985, de 2 de abril, reguladora de Bases de Réxime Local, e de conformidade co disposto nos artigos 15 a 19 do Real Decreto 2/2004, de 5 de marzo, por o que se aproba o Texto Refundido da Lei de Facendas Locais este Concello establece a taxa de Saneamento, que se rexerá por a presente Ordenanza fiscal cuxas normas atenden ao previsto no artigo 57 do Real Decreto 2/2004, de 5 de marzo.

*ARTIGO 2º.—FEITO IMPÓNIBLE*

1. Constitúe o feito imponible da taxa:

- a) A actividade municipal, técnica e administrativa tendente a verificar se se dan as condicións necesarias para autorizar a acometida a Rede de sumidoiros municipal.
- b) A prestación dos servizos de evacuación de excretas, augas pluviais, negras e residuais, a través da Rede de sumidoiros municipal, e o seu tratamento para depuralas.

2. Non estarán suxeitas a taxa as fincas derrubadas ruinosas ou que teñan a condición de solar ou terreo, sempre que non fagan uso da rede de sumidoiros.

3.

*ARTIGO 3º.—SUXEITO PASIVO*

1. Son suxeitos pasivos desta Taxa, en concepto de contribuíntes, as persoas físicas e xurídicas e as Entidades a que se refire o artigo 33 da Lei Xeral Tributaria que sexan:
  - a) Cando se trate da concesión de licenza de acometida a rede, o propietario, usufrutuario ou titular do dominio útil da finca.
  - b) No caso de prestación de servizos do número 1.b) do artigo anterior os ocupantes ou usuarios das fincas do término municipal beneficiarios dos mencionados servizos, calquera que sexa o seu título: propietarios, usufrutuarios, habitacionistas ou arrendatarios, incluso ocupantes en precario.
2. En todo caso, terán a consideración de suxeito pasivo substituto do ocupante o usuario das vivendas ou locais o propietario dos inmobles, os que poderán repercutir, no seu caso, as cotas satisfeitas sobre os respectivos beneficiarios do servizo.

**ARTIGO 4º.—RESPONSABLES**

1. Responderán solidariamente das obrigas tributarias do suxeito pasivo, as persoas físicas e xurídicas a que se refíren o artigo 35.4 da Lei Xeral Tributaria.
2. Serán responsables subsidiarios os administradores das sociedades e os síndicos, interventores ou liquidadores de quebras, concursos ou sociedades e entidades en xeral, nos supostos e co alcance en xeral, nos supostos e co alcance que sinala o artigo 43 da Lei Xeral Tributaria.

Non poderán recoñecerse outros beneficios fiscais que os expresamente establecidos en normas con rango de Lei ou os derivados de Tratados ou Acordos Internacionais.

**ARTIGO 5º.—COTA TRIBUTARIA:**

2014	MODULO	€/BIMESTRE
DOMESTICO	Todos	15,32
COMERCIO EN XERAL, OFICIÑAS, DESPACHOS, PELUQUERIAS, INDUSTRIA ARTESANAL	Todos	9,09
RESTAURANTES	0-200 m <sup>2</sup>	30,27
RESTAURANTES	201-300 m <sup>2</sup>	60,52
RESTAURANTES	> 300 m <sup>2</sup>	108,93
CAFETERIAS, BARES, PUBS E SIMILARES	0-50 m <sup>2</sup>	18,16
CAFETERIAS, BARES, PUBS E SIMILARES	51-100 m <sup>2</sup>	36,29
CAFETERIAS, BARES, PUBS E SIMILARES	>100 m <sup>2</sup>	65,39
HOTEIS, HOSTAIS, SANATORIOS E SIMILARES	Habitación	3,03
CENTROS DOCENTES, GUARDERIAS, CENTROS RECREATIVOS, SÁS DE FESTA E SIMILARES	0-1000 m <sup>2</sup>	30,27
CENTROS DOCENTES, GUARDERIAS, CENTROS RECREATIVOS, SÁS DE FESTA E SIMILARES	1001-2500 m <sup>2</sup>	45,41
CENTROS DOCENTES, GUARDERIAS, CENTROS RECREATIVOS, SÁS DE FESTA E SIMILARES	> 2500 m <sup>2</sup>	75,65
SUPERMERCADOS, GRANDES SUPERFICIES	101-500 m <sup>2</sup>	15,14
SUPERMERCADOS, GRANDES SUPERFICIES	501-1000 m <sup>2</sup>	30,27
SUPERMERCADOS, GRANDES SUPERFICIES	> 1000 m <sup>2</sup>	60,52
TALLERES, ALMACENS E SIMILARES	Todos	15,14
FABRICAS E INDUSTRIAS EN XERAL CON USO DE AUGA NO PROCESO PRODUCTIVO	Todos	90,8
DEREITOS DE ACOMETIDA POR CADA INSTALACIÓN DE VIVENDA		44,19
DEREITOS DE ACOMETIDA POR CADA INSTALACIÓN DISTINTA DE VIVENDA		72,46
DOMESTICO EN OBRA (por vivenda)		15,32
A taxa devengarase dende a solicitude de conexión ata a obtención da licenza de 1ª ocupación sendo o promotor o obrigado tributario		
FABRICAS E INDUSTRIAS CON ALTO CONSUMO DE AUGA	Cota Fixa	90,8
	€/m <sup>3</sup>	0,2

Se a industria consume só auga da rede municipal os m<sup>3</sup> serán equivalentes aos consumidos no contador de auga.

En caso de dispor de consumo propio os m<sup>3</sup> serán os medidos polo contador-medidor do verquido que a industria instale ao efecto.

**ARTIGO 6º.—EXENCIÓNS E BONIFICACIÓNS**

Non se concederá exención nin bonificación algunha na exacción da presente Taxa que non veñan establecidas en tratados ou acordos internacionais ou en normas con rango de Lei.

**ARTIGO 7º.—DEVENGO**

1. Devéngase a Taxa e nace a obriga de contribuír cando se inicie a actividade municipal que constitúe o feito imponible entendéndose iniciada:
  - a) Na data de presentación da oportuna solicitude de licenza de acometida, se o suxeito pasivo o formulase expresamente.



- b) Dende que teña lugar a efectiva acometida a Rede de sumidoiros Municipal. O devengo por esta modalidade da taxa producirase con independencia de que se obtivera ou non a licenza de acometida e sen perxurio e sen perxurio da iniciación do expediente administrativo que poda instruírse para a súa autorización.
2. Os servizos de evacuación de excretas, augas pluviais, negras e residuais, e de depuración, teñen carácter de obrigatorio para todas as fincas do Municipio que teñan fachada a rúas, prazas ou vías públicas en que exista rede de sumidoiros, sempre que a distancia entre a rede e a finca non exceda de cen metros e se devengará a taxa aínda cando os interesados non procedan a efectuar a acometida a Rede.

**ARTIGO 8º.—LIQUIDACIÓN**

1. Cando se presente a solicitude de licenza de acometida liquidarase e esixirase a taxa correspondente en calidade de depósito previo.
2. Se se realiza a acometida sen realizar solicitude procederase a liquidar e notificar esixíndose o ingreso nos prazos previstos no Regulamento Xeral de Recadación, sen perxuízo da apertura do correspondente expediente sancionador por infracción tributaria.
3. Unha vez autorizada a acometida a xestión e recadación desta taxa acomodarse a o procedemento previsto para os valores recibo (padrón, censo, matrícula... etc.)

**ARTIGO 9º.—INGRESO**

1. As cotas desta taxa liquidaranse e esixiranse no momento de presentarse a solicitude, en calidade de depósito previo.
2. Cando se realice a acometida sen mediar solicitude esixirase nos prazos previstos no Regulamento Xeral de Recadación.
3. Cando a taxa se exaccione por Padrón esixirase no período sinalado na tarifa o, no seu caso, no que acorde o Alcalde ou Xunta de Goberno Local e o ingreso farase efectivo no +RXR para os valores recibo.
4. Os ingresos efectuaranse na Depositaria municipal ou no lugar que determine o Alcalde-Presidente.

**ARTIGO 10º.—INFRACCIÓNS E SANCIÓN**

Nesta materia estarase a o disposto no artigo 181 e seguintes da Lei Xeral Tributaria.

**DISPOSICIÓN FINAL**

A modificación da presente Ordenanza entrará en vigor a o día seguinte da súa publicación no Boletín Oficial da Provincia e comezará a aplicarse a partir do un de Xaneiro de 2014, permanecendo en vigor ata a súa modificación ou derrogación expresa.

Contra a presente ordenanza cabe recurso contencioso-administrativo na forma e prazos determinados na Lei 29/98 de Xurisdición Contencioso-administrativa.

**ORDENANZA REGULADORA DA TAXA POR SERVIZOS DE DISTRIBUCIÓN DE AUGA, GAS,  
ELECTRICIDADE E OUTROS ABASTECIMENTOS PÚBLICOS INCLUÍDOS OS DEREITOS  
DE ENGANCHE DE LIÑAS E COLOCACIÓN E UTILIZACIÓN DE CONTADORES  
E INSTALACIÓNS ANÁLOGAS CANDO DITOS SERVIZOS OU SUBMINISTROS  
SEXAN PRESTADOS POR ENTIDADES LOCAIS**

**ARTIGO 1º.—NATUREZA E FUNDAMENTO**

No uso das facultades concedidas polos artigos 133.2 e 142 da Constitución, polo artigo 106 da Lei 7/85, de 2 de abril, reguladora das bases do réxime local, e o artigo 25 do TRLRHL aprobado por Real Decreto Lexislativo 2/2004, de 5 de marzo, acorda a imposición e ordenación da Taxa por servizos de distribución de auga, gas, electricidade e outros abastecementos públicos incluídos os dereitos de enganche de liñas e colocación e utilización de contadores e instalacións análogas, cando ditos servizos ou subministros sexan prestados por entidades locais.